



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KREITI YA 12**

**SEPEDI LELEMETLALELETŠO LA PELE (FAL)**

**LEPHEPHE LA BORARO (P3)**

**DIBATSELA 2014**

**MEMORANTAMO**

**MEPUTSO: 100**

**Palomoka ya matlakala a memorantamo ke 11.**

**ELA HLOKO:**

- o Diriša rubriki ye ge o swaya ditaodišo (Lephephe la 3, Karolo ya A).
- o Meputso ya 0–50 e arotšwe ka magato a mahlano a ditlhalošo.
- o Mo go diteng, polelo le setaele, le legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- o Sebopego ga se sa arolwa ka legato la godimo le la fase.

**KAROLO YA A: RUBRIKI YA GO SWAYA DITAODIŠO TŠA SEPEDI LELEMETLALELETŠO LA PELE [MEPUTSO YE 50]**

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG LE PEAKANYO</b>  (Go araba dipotšišo) Tatelano ya dikgopolo ge go dirwa peakanyo. Temogo ya morero, baamogedi ba tshedimošo le dikamano.  <b>MEPUTSO YE 30</b>  <b>Diteng = 25</b>  <b>Peakanyo =5</b>	Legato la godimo	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		-Bokgoni bja go araba potšišo ke bja maemo a godimodimo go fetiša. -Dikgopolo tše bohlale, tša go hlohla majoko tše di tšwele go mahlalagading. -Peakanyo le tlemagano ke tše di ikgethilego go akaretšwa matseno, mmele le mafetšo.	-Potšišo e arabilwe gabotsebotse. -Dikgopolo di kgahlša kudu ebile di sepelelana le hlogo/sererwa. -Peakanyo le tlemagano ya dikgopolo ke tše botsebotse go akaretšwa matseno, mmele le mafetšo.	-Karabo e a kgotsofatša. -Dikgopolo di tlemagane ebile di a kgodiša. -Peakanyo le tlemagano ya dikgopolo ke tše kaone go akaretšwa matseno, mmele le mafetšo.	-Tlemagano ya dikgopolo ga se ya maleba. -Dikgopolo ga di tšwelele gabotse ebile ga di bontšhe boithamelolo. -Tatelano ya le tlemagano dikgopolo di tšwelela gannyane.	-Molekwa o tšwele tseleng kudukudu -Dikgopolo di hlakahlakane ebile ga di nepiše. -Dikgopolo ga di nepiše hlogo ebile di a ipoeletša. -Ga go tatelano le tlemagano ya dikgopolo.
	Legato la fase	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Bokgoni bja go araba potšišo ke bja maemo a godimodimo. -Dikgopolo tše bohlale tša go tšwa mahlalagading. -Bokgoni bja maemo a godimo bja go beakanya le go tlemaganya dikgopolo go akaretšwa matseno, mmele le mafetšo.	-Potšišo e arabilwe gabotse. -Dikgopolo di kgahlša ebile di sepelelana le hlogo/sererwa. -Peakanyo le tlemagano ya dikgopolo ke tše botse go akaretšwa matseno, mmele le mafetšo.	-Potšišo e arabilwe ka mo go kgotsofatšago eupša ga se ya hlaka gabotse. -Tlemagano ya dikgopolo e a kgotsofatša ebile e a kgodiša. -Peakanyo le tlemagano ya dikgopolo di a kgotsofatša go akaretšwa matseno, mmele le mafetšo.	-Molekwa o tšwele tseleng. -Dikgopolo di hlakahlakane. -Ga go peakanyo goba tlemagano ya dikgopolo yeo e tšwelelago.	-Ga go bolelwe selo ka hlogo yeo e filwego. -O tšwele tseleng kudukudu. -Diteng ga di nepiše ebile di hlakahlakane.

<p><b>POLELO, MONGWALELO LE PALOBOHLATSE</b></p> <p>Segalo, retšistara, mongwalelo, tlotlontšu ya maleba ya morero le dikamano Kgetho ya mantšu Tirišo ya polelo le melawana, maswao, popopolelo le mopeleto.</p> <p><b>MEPUTSO YE 15</b></p> <p><b>Polelo =10</b> <b>Mongwalelo =3</b> <b>Padišišobohlatse =2</b></p>	<p>Legato la godimo</p>	<p><b>14–15</b></p> <p>-Segalo, retšistara, setaele le tlotlontšu di sepelelana kudukudu le morero, baamogedi le dikamano. -Polelo ke ya boitshepo, ya go nona, ya maatlakgogedi -Polelo e na le segalo sa go ba le maatlakgogedi ebile e nonne ka mebolelwana ya go kgahliša. -Ga go na le ge e ka ba phošwana e tee ya popopolelo le mopeleto. -Polelo e beakantšwe ka bokgwari bja maemo a godimodimo.</p>	<p><b>11–12</b></p> <p>-Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e na le maatla, ya segalo sa maleba. -Diphošo tša popopolelo le mopeleto ga se tše kae. -Polelo e beakantšwe gabotsebotse.</p>	<p><b>8–9</b></p> <p>-Segalo, retšistara, setaele le tlotlontšu di sepelelana gabotse le morero, baamogedi le dikamano. -Tirišo ya maleba ya polelo e dira gore molaetša o kwagale. -Segalo ke sa maleba. -Mebolelwana e dirišitšwe go godiša boleng bja diteng.</p>	<p><b>5–6</b></p> <p>-Segalo, retšistara, setaele le tlotlontšu di sepelelana gannyane le morero, baamogedi le dikamano. -Tirišo ya polelo ke ya motheo. -Segalo le mošito ga se tša maleba. -Tlotlontšu ke ye nnyane kudu.</p>	<p><b>0-3</b></p> <p>-Polelo ga e kwešišagale. -Segalo, retšistara, setaele le tlotlontšu ga di sepelelane le morero, baamogedi le dikamano. -Tlotlontšu ke ye nnyane kudukudu moo e lego gore e dira gore ditaba di se kwešišagale.</p>
		<p>Legato la fase</p>	<p><b>13</b></p> <p>-Polelo ya maemo a godimodimo ya go ba le segalo se maatla. -Ga go na le ge e ka ba phošwana e tee ya popopolelo goba mopeleto. -Polelo e beakantšwe ka bokgwari.</p>	<p><b>10</b></p> <p>-Polelo ke ya maemo a godimo ya go ba le maatlakgogedi. -Segalo ke sa maleba sa go ba le maatlakgogedi. -Diphošwana tše nnyane tša popopolelo le mopeleto. -Polelo e beakantšwe gabotse.</p>	<p><b>7</b></p> <p>-Tirišo ya polelo e a kgotsofatša eupša e na le diphošo. -Segalo se a kgotsofatša eupša mebolelwana ga se ya dirišwa o kaalo.</p>	<p><b>4</b></p> <p>-Polelo ga e kgotsofatše -Ga go phapantšho ya mafoko. -Tlotlontšu ga se ye kaalo.</p>
<p><b>SEBOPEGO</b></p> <p>Dinyakwa/dipharologantšho tša setšweletšwa. Tšwetšopele ya ditemana le tlhamo ya mafoko</p> <p><b>MEPUTSO YE 5</b></p>		<p><b>5</b></p> <p>-Tšwetšopele ya sererwa ke ya maemo a godimodimo. -Tlhalošo ya dikgopolo ke ya maemo a godimodimo. -Tlhamo ya mafoko le ditemana ke ya go ikgetha, ya maemo a godimodimo.</p>	<p><b>4</b></p> <p>-Tatelano ye botse ya tšwetšopele ya dintlha. -Tlemagano ye botse ya dintlha le dikgopolo. -Mafoko le ditemana di beakantšwe ka makgethe.</p>	<p><b>3</b></p> <p>-Dintlha tša maleba di tšweleditšwe. -Mafoko le ditemana di hlamegile gabotse. -Taodišo e a kwagala.</p>	<p><b>2</b></p> <p>-Dintlha tša maleba ga se tše kae. -Mafoko le ditemana di na le diphošo. -Taodišo e a kwagala eupša e na le mafokodi.</p>	<p><b>0–1</b></p> <p>-Dintlha tša maleba ga di gona. -Mafoko le ditemana di fošagetše. -Taodišo ga e kwagale.</p>
<p><b>KABO YA MEPUTSO</b></p>		<p><b>43–50</b></p>	<p><b>33–40</b></p>	<p><b>23–30</b></p>	<p><b>13–20</b></p>	<p><b>0–10</b></p>

**RUBRIKI YA GO SWAYA DITŠWELETŠWA TŠE TELELE TŠA TIRIŠANO TŠA SEPEDILELEMETLALELETŠO LA MATHOMO [MEPUTSO YE 30]**

<b>Dinyakwa</b>	<b>Bokgoni bja go ikgetha</b>	<b>Bokgoni bja maemo</b>	<b>Bokgoni bja magareng</b>	<b>Bokgoni bja motheo</b>	<b>Ga go bokgoni</b>
<p><b>DITENG, PEAKANYO LE SEBOPEGO</b></p> <p>(Go araba dipotšišo le dikgopolo) -Tatelanyo le peakanyo ya dikgopolo -Morero, baamogedi, dinyakwa/dipharologantšho le dikamano</p> <p><b>MEPUTSO YE 18</b></p> <p><b>Diteng= 14</b> <b>Peakanyo= 2</b> <b>Sebopego= 2</b></p>	<p><b>15–18</b></p> <p>- Bokgoni bja go araba potšišo ke bja maemo a godimodimo go fetiša. -Dikgopolo ke tše bohlae tša go tšwa mahlalagading. -Tsebo ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.</p>	<p><b>11–14</b></p> <p>-Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa -Molekwa ga se a tšwa tseleng. - Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.</p>	<p><b>8–10</b></p> <p>-Bokgoni bja go kotsofatša bja go araba potšišo bja go laetša tsebo ya mohuta wa setšweletšwa. - Go na le nepišo eupša go na le go tšwa tseleng gannyane. - Tlemagano ya dikgopolo le dikamano e a kgotsofatša. - Tlhalošo ya ditaba e a kgotsofatša ebile thekga sererwa. - Sebopego ke sa maleba eupša se na le diphošo tše dintšinyana.</p>	<p><b>5–7</b></p> <p>--Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. -Ga se a šomiša melao ya sebopego ka tshwanelo. -Go tlogetšwe dintlha tše bohlokwa.</p>	<p><b>0–4</b></p> <p>Karabo ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopolo. -Ditaba di hlalošwa gannyane. -Sebopego sa setšweletšwa ga se sona.</p>
<p><b>POLELO, MONGWALELO LE PADIŠIŠOBOHLATSE</b></p> <p>-Segalo, retšistara, mongwalelo, morero, baamogedi le dikamano -Tirišo ya polelo le melawana kgetho ya mantšu -Maswao le mopeleto</p> <p><b>MEPUTSO YE 12</b></p> <p><b>Polelo= 8</b> <b>Mongwalelo= 2</b> <b>Padišišobohlatse= 2</b></p>	<p><b>10–12</b></p> <p>- Segalo, retšistara, mongwalelo le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Ga go na le ge e ka ba phošo e tee.</p>	<p><b>8–9</b></p> <p>-Segalo, retšistara, mongwalelo le tlotlontšu di sepelelana gabotse le morero, baamogedi le dikamano. - Polelo ga e na diphošo tša popopolelo ebile e hlamegile gabotse. - Tlotlontšu ke ye ntši. - Gantši ga go diphošo.</p>	<p><b>6–7</b></p> <p>-Segalo, retšistara, mongwalelo le tlotlontšu di sepelelana le morero, baamogedi le dikamano. - Diphošo tša popopolelo ga se tše ntši. - Tlotlontšu ke yeo e lekanetšego. - Diphošwana tšeo di lego gona ga di fetošo molaetša.</p>	<p><b>4–5</b></p> <p>- Segalo, retšistara, mongwalelo le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši. -Molaetša o a tšwelela eupša o arošitšwe.</p>	<p><b>0–3</b></p> <p>- Segalo, retšistara, mongwalelo le tlotlontšu ga di sepelelane le morero, baamogedi le dikamano. - Sengwalo se tletše ka diphošo ebile se hlakahlakane. - Tlotlontšu yeo e lego gona ga e sepelelane le morero le ga nnyane. -Molaetša ga o tšwelele le ga nnyane.</p>
<b>KABO YA MEPUTSO</b>	<b>25–30</b>	<b>19–23</b>	<b>14–17</b>	<b>9–12</b>	<b>0–7</b>

**RUBRIKI YA GO SWAYA DITŠWELETŠWA TŠE KOPANA TŠA TIRIŠANO TŠA SEPEDI LELEMETLALELETŠO LA MATHOMO [MEPUTSO YE 20]**

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<p><b>DITENG, PEAKANYO LE SEBOPEGO</b></p> <p>(Go araba dipotšišo le dikgopolo) -Tatelanyo le peakanyo ya dikgopolo -Morero, baamogedi, dinyakwa/ dipharologantšho le dikamano</p> <p><b>MEPUTSO YE 12</b></p> <p><b>Diteng= 8</b> <b>Peakanyo= 2</b> <b>Sebopego= 2</b></p>	<p><b>10–12</b></p> <p>-Bokgoni bja go araba potšišo ke bja maemo a godimodimo go fetiša. -Dikgopolo ke tše bohlale tša go tšwa mahlalagading. -Tsebo ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.</p>	<p><b>8–9</b></p> <p>Bokgoni bjo bobotsebotse bja go araba potšišo bjo bo laetšago tsebo ye botse ya mohuta wa setšweletšwa. -Ditaba di nepiša setšweletšwa -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba e a botse ebile e thekga sererwa. -Sebopego ke sa maleba eupša se na le diphošwana di se kae.</p>	<p><b>6–7</b></p> <p>-Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.</p>	<p><b>4–5</b></p> <p>-Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. -Ga se a šomiša melao ya sebopego ka tshwanelo. -Go tlogetšwe dintlha tše bohlokwa.</p>	<p><b>0–3</b></p> <p>-Karabo ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu.</p> <p>-Ga go tlemagano ya diteng le dikgopolo. Ditaba di hlalošwa gannyane. -Sebopego sa setšweletšwa ga se sona.</p>
<p><b>POLELO, MONGWALELO LE PADIŠIŠOBOHLATSE</b></p> <p>-Segalo, retšistara, mongwalelo, morero, baamogedi le dikamano -Tirišo ya polelo le melawana kgetho ya mantšu -Maswao le mopeleto</p> <p><b>MEPUTSO YE 8</b></p> <p><b>Polelo= 5</b> <b>Mongwalelo= 2</b> <b>Padišišobohlatse=1</b></p>	<p><b>7–8</b></p> <p>Segalo, retšistara, mongwalelo le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Ga go na le ge e ka ba phošo e tee.</p>	<p><b>5–6</b></p> <p>-Segalo, retšistara, mongwalelo le tlotlontšu di sepelelana gabotse le morero, baamogedi le dikamano. -Polelo ga e na diphošo tša popopolelo ebile e hlamegile gabotse. -Tlotlontšu ke ye ntši. -Gantši ga go diphošo.</p>	<p><b>4</b></p> <p>Segalo, retšistara, mongwalelo le tlotlontšu di sepelelana le morero, baamogedi le dikamano. -Diphošo tša popopolelo ga se tše ntši. -Tlotlontšu ke yeo e lekanetšego. -Diphošwana tšeo di lego gona ga di fetošo molaetša.</p>	<p><b>3</b></p> <p>-Segalo, retšistara, mongwalelo le tlotlontšu ga di sepelelana gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši. -Molaetša o a tšwelela eupša o arošitšwe.</p>	<p><b>0–2</b></p> <p>-Segalo, retšistara, mongwalelo le tlotlontšu ga di sepelelana le morero, baamogedi le dikamano. -Sengwalo se tletše ka diphošo ebile se hlakahlakane. -Tlotlontšu yeo e lego gona ga e sepelelana le morero le ga nnyane. -Molaetša ga o tšwelele le ga nnyane.</p>
<b>KABO YA MEPUTSO</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>

## **KAROLO YA A: DITAODIŠO**

### **Ditaodišo tšeo di botšišitšwego.**

- 1.1 ke taodišokgadimo.
- 1.2 ke taodišokahlaahlo.
- 1.3 ke taodišongangišano.
- 1.4 ke taodišotlhaloši
- 1.5 ke taodišokahlaahlo.
- 1.6 ke taodišokgadimo/taodišokgopodišišo/taodišokeleletšo.
- 1.7.1 ke taodišotlhaloši/taodišokanego
- 1.7.2 ke taodišokanego

### **Taodišokanego.**

#### **Tlhalošo.**

Taodišokanego e laodiša tiragalo ye e fetilego. E ka ngwalwa go tšwa lehlakoreng le lengwe le le lengwe.

### **Tšeo di swanetšego go hlokomelwa ge go ngwalwa taodišo ya go anega:**

- Tiragalo e swanetše go kgodiša le ge e theilwe godimo ga nonwane.
- Gantši taodišo ye e ngwalwa ka lebaka le le fetilego.
- Ditemana tša matseno di swanetše go tanya šedi ya mmadi.
- Tiragalo ge e le ye botse e swanetše go ba le ntlha yeo e e laetšago.
- Thumo ya moswananoši ya go kgahliša e a kgotsofatša.
- Kgahlego ya mmadi e swanetše go lotwa go fihla mafelelong.
- Taodišo ya go anega gantši e na le mokgwa wa go hlaloša.

### **Taodišotlhaloši.**

#### **Tlhalošo.**

Ka taodišotlhaloši, mongwadi o hlaloša selo se sengwe gore mmadi a kgone go itemogela sona. Motho goba selo se sengwe a ka hlalošwa.

### **Tšeo di swanetšego go hlokomelwa ge go ngwalwa taodišo ye:**

- Mongwadi o swanetše go hlagiša seswantšho ka mantšu.
- Kgetha mantšu le dikgopolo ka tlhokomelo gore o fihlelele seo se nyakegago.
- Dikakanyo mabapi le go bona, go kwa, go kgwatha, modumo le tatso di ka šomišwa go dira gore tlhalošo e kwešišege.
- Diriša dikapolelo ka tsela ya maleba.
- O swanetše go ba le boitemogelo bja hlogo yeo o ngwalago ka yona.

**Taodišokahlaahlo.****Tihalošo.**

Taodišo ye e leka go tšweletša mahlakore a mabedi a poledišano ka go lekana. Mongwadi o hlokomela dintlha tša go fapana tša hlogo ye gomme a hlagiša dikgopolo tša go fapana ntle le go tšea lehlakore. Mongwadi a ka ba le thumo ye e itšeng mafelelong a taodišo, eupša dintlha tša go thekga goba go ganetša di swanetše go lekalekana le go kwagala.

**Tšeo di swanetšego go hlokomelwa taodišong ye:**

- Mongwadi o swanetše go kwešiša le go lebeledišiša mahlakore a mabedi a taodišo ntle le go tšea lehlakore.
- Taodišo e swanetše go kwagala le go ikema ka dintlha. Seo se ra gore e se huetšwe ke maikutlo a mongwadi.
- Dikahlaahlo e be tša moya wo o fodilego, tša go naganwa gabotse le go thekgwa ka tshwanelo.
- Segalo e be sa go hloka khuduego eupša e be seo se kgodišago sa go hloka lenyatšo.
- Mongwadi a ka fa maikutlo a gagwe mafelelong a taodišo eupša seo e se be thumo ya taodišo.

**Taodišokgadimo/Taodišokgopodišišo/Taodišokeleletšo****Tihalošo**

Ka taodišokgadimo mongwadi o hlagiša dikgopolo ka ga sererwa a sa leke go ngangiša, go thekga goba go ba kgahlanong le sona. Gantši e na le tebelelo mong go na le go re e tšee lehlakore. Taodišo ye e dumelela mongwadi go ngwala ka boitemogelo bja gagwe le seo a ithutilego sona. Mohlala: mongwadi a ka ngwala taodišo ya mohuta wo morago ga go re a tsenele thuto ye itšego, morago ga go fetša protšeke yeo a bego a e dira goba morago ga go kgatha tema tiragalong ye nngwe ye e mo filego maitemogelo a go ikgetha.

**Tšeo di swanetšego go hlokomelwa ge go ngwalwa taodišo ye:**

- E ngwalwe ka lefatile.
- E ntšhe maikutlo a a tebilego a mongwadi.
- E tšweletše dikgopolo tša mongwadi, e sego tša motho yo mongwe.
- Dintlha tše di hlagišwago di kgodiše mmadi.
- Laetša magato ka moka a tiragalo (ge e ngwalwa ka morago ga tiragalo).
- Mafelelong laetša ka moo tiragalo yeo e kgathilego tema bophelong bja gago le ka moo e ka kgathago tema maphelong a batho ba bangwe.

**Taodišongangišano.****Tihalošo**

Ka taodišongangišano mongwadi o na le kgopolo ye e itšeng goba ntlhakemo gomme a fe dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go kgodiša goba go fekeetša mmadi gore a kwane le kgopolo ya gagwe.

**Tšeo di swanetšego go hlokomelwa ge go ngwalwa taodišongangišano:**

- Thoma ka go laetša kgopolo ya gago ka tsela ya maatlakgogedi mabapi le hlogo.
- Efa dintlha tša go fahlela kgopolo ya gago le go thekga seo.
- Mongwadi o tla tsepelela dintlha tša go ganetšana le kgopolo ye e filwego.
- Bjalo ka mongwadi wa taodišo ye, tšweletša dikgopolo tše maatla ka ge taodišo ye e ama kudu maikutlo a gago.
- Ditlabelo tša makgethe le tsebo ya go kgodiša di swanetše go šomišwa.
- Polelo e swanetše go ba ye maatla gore e hlahle maikutlo a mmadi. Hlokomela gore polelo e se be ye mpe.
- Thumo le yona e swanetše go ba ye maatla, ya go kwala le go kgodiša.

**PALOMOKA YA KAROLO YA A: 50**



## **KAROLO YA B: DITŠWELETŠWA TŠA TIRIŠANO TŠE TELELE**

### **2.1 Lengwalo la semmušo**

Le laetše tše di latelago:

- Retšistara le segalo e be tše di fodilego, tša semmušo.
- Aterese ya mongwadi/moromedi.
- Aterese ya moamogedi/moromelwa.
- Madume/Matseno le hlogo ya taba.
- Tšhomišopolelo, tlotlontšu le maswaodikga e be tša maleba.
- Mafelelo/Thumo le leina:  
Ka boikokobetšo  
Wa lena

### **2.2 Potšišotherišano**

E laetše tše di latelago:

- Go be le mmotšiši le mmotšišwa.
- Dipotšišo di ka lebana le motho yo mogolo setšhabeng, motho wa mehleng goba e ka ba tša sethaka.
- Dipotšišo di nepiše se sengwe, mehlala: ge mmotšišwa a nyaka mošomo, go botšišwa ka ga mošomo wa gagwe. Go botšišwa ka ga bophelo bja gago ge o le motho wa go tuma bj.bj.

### **2.3 Lenaneothero le metsotso**

Di swanetše go laetša tše di latelago:

- Letšatšikgweri, nako le lefelo la kopano.
- Pulo le kamogelo.
- Maloko ao a tlilego le bao ba kgopetšego tshwarelo
- Palo le kamogelo ya metsotso ya kopano ya go feta.
- Ditšwametsotsong.
- Ditaba tša letšatši.

### **2.4 Taodišwana (Athekele) ya kuranta**

E swanetše go laetša tše di latelago:

- Hlogo ya taba yeo e begelago babadi ka seo se anegwago.
- Hlogo ya taba e be yeo e gogago mahlo a babadi.
- Go be le dihlogo tša dikgopolotlaleletšo le temana yeo e hlahlago le go godiša kgahlego go hlatholla kanegelokgolo.
- Kanegelo e tšweletšwe ka ditemana tše pedi goba tše tharo tše kopana.
- Ditemana tše dingwe di hlaloše ditaba tša bokamorago. Tsopolo goba tšhišinyo e ka šomišwa bjalo ka temana ya mafelelo ya go tswalela.
- Polelo e be ye e tsošago maikutlo le go hlohleletša.

- Mafelelong efa ka botlalo leina le boitsebišo bja motho yo go ka ikgokaganywago le yena go ka fa ditaba ka botlalo ge go hlokega.

**Diteng di tšweletše tše di latelago:**

- Ditemana di tšweletšwe ka diripa tše tharo:
  - Matseno a tšweletše bothata.
  - Mmele o tšweletše kgodišo ya bothata.
  - Thumo e akaretše bothata gomme e tliše tharollo le ditšhišinyo.
- Segalo ke se se fodilego.
- Retšistara e be ya maleba.
- Ditaba e be tša nnete.

**PALOMOKA YA KAROLO YA B: 30**

**KAROLO YA C: DITŠWELETŠWA TŠA TIRIŠANO TŠE KOPANA****3.1 Papatšo**

Hlokomela tše di latelago papatšong:

- Hlogo ya papatšo.
- Fonte ya go fapana.
- Go bapatšwa eng?
- Tshedimošo ka botlalo mabapi le setšweletšwa seo se bapatšwago.
- E kwalakwatšwa kae?
- Morero wa papatšo.
- Mmopatši o šomiša polelo ya go goga šedi ya bareki/babadi.

**3.2 Pukutšatši**

Pukutšatši e laetše tše di latelago:

- Tšatšikgwedi.
- Ngwaga.
- Dinako go ya ka ditiragalo.
- Lefelo.
- Ditiragalo tša letšatši.
- Ngwala ka motho wa pele.
- Polelo e be ya segwera.

**3.3 Ditaelo**

- Di mabapi le eng?
- Di tšwelela ka mokgwa wa ntlha ka ntlha goba tlhalošo ka temana.
- E be tšeo di kgonagalago.
- E be tša malebana le tiragalo yeo e tšwelelago legato ka legato.

Mohlala: Tšhela meetse ka sekotlelong.

Ela sešepe ka maswanedi.

Kgethologanya diaparo go ya ka mebala ka mo o nyakago go di hlatswa ka gona, bj.bj

**PALOMOKA YA KAROLO YA C: 20**  
**PALOMOKA YA TLHAHLOBO: 100**